

Wêrelddag vir Hardop Lees

saam met **Nal'ibali**

vir die vroeë jare!


Hierdie jaar nooi ons graag gesinne en versorgers van jonger kinders om op Wêrelddag vir Hardop Lees, 7 Februarie 2024 – en elke dag – saam met ons te lees. Ons spesiale storie, *Die verlore katjie*, is geskryf deur Stacey Fru en geïllustreer deur Rico. Die storie is in al 11 amptelike Suid-Afrikaanse tale beskikbaar. Hierdie storiekaart is spesiaal vir jou!

Nal'ibali
DIT BEGIN MET 'N STORIE.



Voor Wêrelddag vir Hardop Lees

- 🐾 Leer die storie goed genoeg ken sodat jy dit kan oorvertel of op jou eie manier hardop kan lees.
- 🐾 Dink na oor hoe jy die storie lewendiger kan maak. Besluit watter gesigsuitdrukkings en gebare jy wil gebruik.
- 🐾 Kies 'n tyd van die dag om die storie te vertel wanneer jou hele gesin bymekaar is.
- 🐾 Vind dele van die storie waar jou kinders kan aansluit, byvoorbeeld, hulle kan die geluide maak wat die katjie en hond maak.
- 🐾 Oefen om die storie hardop te vertel of te lees.




Voordat jy die storie hardop lees

- 🐾 Knip foto's uit van diere soos honde, katte, hase en skilpaaie wat as troeteldiere aangehou kan word. Laat elke kind 'n prentjie kies as hul troeteldier om vas te hou terwyl jy die storie lees.
- 🐾 Vra vroe of praat oor dinge wat jou kinders sal help om op die storie te fokus. Wys byvoorbeeld 'n foto van 'n kat of katjie. Praat oor diere wat ons as troeteldiere aanhou.
- 🐾 Lees die titel van die storie. Vra: "Waaroor dink jy gaan hierdie storie?"



Terwyl jy die storie hardop lees

- 🐾 Terwyl jy die storie lees, vra vir jou kinders vroe daarvoor. Vrae soos: "Hoekom dink jy het hy dit gedoen?" en "Wat sou jy gedoen het?" ontwikkel jou kinders se empatie en begrip vir ander mense.
- 🐾 Laat jou kinders deelneem deur die geluide te maak wat die diere maak.



Belowe om hierdie **Wêrelddag vir Hardop Lees** – en elke dag – as 'n gesin saam hardop te lees. Teken in by www.nalibali.org of WhatsApp die woord "WRAD" na 0600 44 22 54. Elke gesin wat inskryf, sal die geleentheid hê om by **Nal'ibali se gesinsleesreis vir Wêrelddag vir Hardop** aan te sluit. Julle sal bykomende stories ontvang asook wenke en idees oor hoe om deur die hele jaar saam met julle kinders te lees.

Die verlore katjie



Storie deur Stacey Fru 🌀 Illustrasies deur Rico



Vrydagmiddag het Neo en Bella in Neo se tuin gespeel. Noodle het rustig geslaap.



Miaau, miaau, miaau! 'n Klein gemmerkatjie het onder 'n bos uitgekruip.




Kyk, sy het 'n mooi blou halsband om haar nek," het Neo gesê.

Neo en Bella het die katjie binnetoe gevat.

"Ma, Pa, kyk! Ons het 'n katjie in die tuin gekry!" het Neo geskree.

"Sy moet aan iemand behoort, want sy het 'n halsband om haar nek," het Bella gesê.

"Ons moet probeer om die eienaars te vind," het Pa gesê.



"Môre kan ons plakkate oor die verlore katjie maak. Dalk sal die eenaar die plakkate sien," het Ma gesê.

Neo 'n skoensoks en 'n ou trui gevind om 'n gemaklike bed vir die katjie te maak. Pa het haar gevoer en vir haar 'n groot bak skoon water gegee.




Saterdagoggend het Bella baie vroeg opgedaag. "Kom ons maak die plakkate!" het sy gesê.

Hulle het vier plakkate gemaak. "Kom ons gaan sit hulle op," het Pa gesê.

Eers het hulle biblioteek toe gegaan ...

toe is hulle winkel toe ...

toe het die buurvrou hulle 'n plakkaat op haar hek laat sit.



Hulle het een plakkaat gehou om by die skool op te sit.

Dinsdagmiddag het Neo, Bella, Noodle en die katjie in die sitkamer gespeel.

Klop, klop, klop! Daar was iemand by die deur.

Noodle het opgewonde geblaf.

Die katjie het so bang gemaak dat sy weggehardloop het en onder die bank gaan wegkruip het.



"O, hallo," het Neo gesê toe hy 'n meisie by die deur gesien het.

"Hallo, my naam is Gina," het die meisie gesê. "Ek dink die katjie wat julle gevind het, kan dalk myne wees. Haar naam is Ginger."

Maar toe hulle in die sitkamer kyk, was die katjie nie daar nie.

"Ag nee!" het Bella gesê. "Ek hoop nie die katjie is weer weg nie!"

Gina het baie hartseer gelyk.

Toe hoor hulle Noodle in die kombuis. *Woef, woef!* Dit is gevolg deur 'n harde **SLAG!**





Die kinders het vinnig na die kombuis gehardloop. Daar sit die katjie. Sy het haar waterbak omgestamp toe Noodle gebalf het en was nou baie nat.

Bella het die katjie drooggemaak en haar vir Gina gegee.

Spin, spin, spin. Die katjie was baie gelukkig!

“Jy en Neo kan Ginger enige tyd kom besoek,” het Gina gesê.

Bella se gesig het verlig. “Dankie!” het sy gesê.

“Maar,” het Neo gesê “ek dink Noodle moet by die huis bly”.

En almal het saamgestem dat dit waarskynlik ’n baie goeie idee was.



Nadat julle die storie saam gelees het, praat oor wat in die storie gebeur het. Vra oop vrae om jou kinders aan te moedig om na te dink en te praat oor idees wat met die storie verband hou, byvoorbeeld: “Wat is jou gunstelingdeel van die storie?”

Raak doenig met stories!

- 🐾 Sing ’n liedjie of maak ’n liedjie op oor katte en honde.
- 🐾 Teken ’n prentjie van jou gunstelingdeel van die storie.
- 🐾 Gebruik speeldeeg of klei om ’n model van Ginger of Noodle te maak.
- 🐾 Maak ’n plakkaat van jou troeteldier of ’n troeteldier wat jy graag wil hê. Teken ’n prentjie van jou troeteldier. Skryf of vra iemand om jou te help om die kleur en naam van jou troeteldier neer te skryf.



Deel foto's en video's van jou en jou kinders wat die stories en aktiwiteite vir Wêrelddag vir Hardop geniet [#nalibaliwrad2024](#) op ons sosiale media!



Nal'ibali (isiXhosa vir "hier is die storie") is 'n nasionale lees-voor-genotveldtog. Ons visie is n Suid-Afrika waar elke kind elke dag 'n storie geniet.



Afrikaans